

御纂醫宗金鑑

欽定四庫全書薈要

吉林出版集團有限責任公司
海 天 出 版 社

欽定四庫全書薈要

子部
醫家類

吉林出版集團有限責任公司
海 天 出 版 社

目次

書名	卷次	頁次	作者
御纂醫宗金鑑	卷三一—卷六一	二五六—一	清・乾隆四年御纂
卷三一 刪補名醫方論		二五六—二八	
卷三二 刪補名醫方論		二五六—四七	
卷三三 刪補名醫方論		二五六—六九	
卷三四 四診要訣		二五六—一〇七	
卷三五 運氣要訣		二五六—一四四	
卷三六 傷寒心法要訣		二五六—一六二	
卷三七 傷寒心法要訣			

書名	卷次	頁次	作者
卷三八 傷寒心法要訣 卷三九 雜病心法要訣 卷四〇 雜病心法要訣 卷四一 雜病心法要訣 卷四二 雜病心法要訣 卷四三 雜病心法要訣 卷四四 婦科心法要訣 卷四五 婦科心法要訣 卷四六 婦科心法要訣		二五六—一八五 二五六—二〇五 二五六—二二八 二五六—二五一 二五六—二七一 二五六—二九二 二五六—三一 二五六—三三八 二五六—三六〇	

書名	卷次	頁次	作者
卷四七 婦科心法要訣		二五六—三七九	
卷四八 婦科心法要訣		二五六—三九七	
卷四九 婦科心法要訣		二五六—四一四	
卷五〇 婦科心法要訣		二五六—四三一	
卷五一 幼科心法要訣		二五六—四五九	
卷五二 幼科心法要訣		二五六—四八七	
卷五三 幼科心法要訣		二五六—五一九	
卷五四 幼科心法要訣		二五六—五五〇	
卷五五 幼科心法要訣		二五六—五七四	

書

名

卷

次

頁

次

作

者

卷五六

痘疹心法要訣

二五六—六〇〇

卷五七

痘疹心法要訣

二五六—六三二

卷五八

痘疹心法要訣

二五六—六七五

卷五九

痘疹心法要訣

二五六—七〇二

卷六〇

種痘心法要訣

二五六—七二七

卷六一

外科心法要訣

二五六—七三六

欽定四庫全書薈要

子部
御纂醫宗金鑑卷三十一

欽定四庫全書薈要

御纂醫宗金鑑卷三十一

刪補名醫方論卷六目錄

桂枝湯

麻黃湯

大青龍湯

小青龍湯

葛根湯

桂枝麻黃各半湯

桂枝二麻黃一湯

桂枝二越婢一湯

越婢湯

麻黃杏仁甘草石膏湯

麻黃附子細辛湯

麻黃附子甘草湯

桂枝加附子湯



欽定四庫全書

御纂醫宗金鑑
卷三十一目錄

詳校官主事臣陳木

芍藥甘草附子湯

桂枝甘草湯

桂枝加芍藥加大黃湯

桂枝加芍藥湯

桂枝加大黃湯

小建中湯

炙甘草湯

桂枝人參湯

葛根黃芩黃連湯

白虎湯

白虎加人參湯

豬苓湯

五苓散

茵陳五苓散

桂枝去芍加苓朮湯

十棗湯

欽定四庫全書

御纂醫宗金鑑

卷三十一目錄

二

欽定四庫全書醫要卷一萬四百八十五子部

御纂醫宗金鑑卷三十一

刪補名醫方論卷六

桂枝湯

治風寒在表脈浮弱自汗出頭痛發熱惡風惡寒鼻鳴乾嘔等證及雜證自汗盜汗虛損虛瘧亦可用若脈浮緊汗不出者酒客病風寒而汗出者禁用

桂枝 三兩

芍藥 三兩

欽定四庫全書

御纂醫宗金鑑

卷三十一

生薑 三兩

甘草 二兩

大棗 十二枚

右五味以水七升煮取三升服一升覆令微汗不可令如水流漓病必不除若服一升汗出病瘥不必盡劑服已更歡稀粥一盞以助藥力

註凡風寒在表脈浮弱自汗出者皆屬表虛宜桂枝湯主之名曰桂枝湯者君以桂枝也桂枝辛溫辛能散邪溫從陽而扶衛芍藥酸寒酸能斂汗寒走

陰而益營桂枝君芍藥是於發散中寓斂汗之意
芍藥臣桂枝是於固表中有微汗之道焉生薑之
辛佐桂枝以解肌表大棗之甘佐芍藥以和營裏
甘草甘平有安內攘外之能用以調和中氣即以
調和表裏且以調和諸藥矣以桂芍之相須薑棗
之相得藉甘草之調和陽表陰裏氣衛血營並行
而不悖是剛柔相濟以為和也而精義在服後須
臾歔熱稀粥以助藥力蓋穀氣內充不但易為釀
汗更使已入之邪不能少留將來之邪不得復入
也又妙在溫服令一時許熱熱微似有汗是授人
以微汗之法不可令如水流漓病必不除禁人以
不可過汗之意也此方為仲景羣方之冠乃解肌
發汗調和營衛之第一方也凡中風傷寒脈浮弱
汗自出而表不解者皆得而主之其他但見一二
證即是不必悉具故麻葛青龍發汗諸劑咸用之
也若汗不出麻黃證也脈浮緊者麻黃脈也固不

可與桂枝湯然初起無汗當用麻黃發汗如汗解
後復煩脈浮數者與下後脈仍浮氣上衝者及下
後下利止而身痛不休者皆用此以解外何也蓋
此時表雖不解腠理已疏邪不在皮毛而在肌肉
且經汗下津液已傷故脈證雖同麻黃而主治當
屬桂枝矣粗工妄謂桂枝湯專治中風不治傷寒
使人疑而不用又謂專發肌表不治他病不知此
湯倍芍藥生薑加入參名桂枝新加湯用以治營
表虛寒肢體疼痛倍芍藥加飴糖名小建中湯用
以治裏虛心悸腹中急痛再加黃耆名黃耆建中
湯用以治虛損虛熱自汗盜汗因知仲景之方可
通治百病也

麻黃湯

治太陽風寒在表頭項強痛發熱身疼腰痛骨節痛惡風寒無汗胸滿而喘其脈浮緊或浮數者用此發汗雖有是證若脈浮而弱汗自出或尺中脈微與遲者俱不可用風寒濕成痺肺經壅塞昏亂不語冷風哮吼最宜

麻黃 三兩
去節

桂枝 二兩

甘草 一兩
炙

杏仁 六十枚
去皮尖

欽定四庫全書

御纂醫宗金鑑
卷三十一

四

右四味以水九升先煮麻黃減二升去上沫內諸藥煮取二升半去滓溫服八合溫覆取微汗不須歎粥一服汗出停後服汗出多者溫粉撲之

註凡風寒在表脈浮緊數無汗者皆表實也宜麻黃湯主之名曰麻黃湯者君以麻黃也麻黃性溫味辛而苦其用在迅升桂枝性溫味辛而甘其能在固表證屬有餘故主以麻黃必勝之算也監以桂枝制節之妙也杏仁之苦溫佐麻黃逐邪而降逆

欽定四庫全書

御纂醫宗金鑑
卷三十一

五

甘草之甘平佐桂枝和內而拒外飲入於胃行氣於元府輸精於皮毛斯毛脈合精漆漆汗出在表之邪必盡去而不留痛止喘平寒熱頓解不須歎粥而藉汗於穀也其不用薑棗者以生薑之性橫散於肌礙麻黃之迅升大棗之性泥滯於膈礙杏仁之速降此欲急於直達稍緩則不迅橫散則不升矣然則為純陽之劑過於發散如單刀直入之將用之若當一戰成功不當則不戰而召禍故可一而不可再如汗後不解便當以桂枝代之此方為仲景開表逐邪發汗第一峻藥也庸工不知其制在溫覆取汗若不溫覆取汗則不峻也世謂麻黃專能發表不治他病不知此湯合桂枝湯名麻桂各半湯用以和太陽留連未盡之寒熱去杏仁加石膏合桂枝湯名桂枝二越婢一湯用以解太陽熱多寒少之寒熱若陽盛於內而無汗者又有麻黃杏仁甘草石膏湯以散太陰肺之邪若陰盛

於內而無汗者又有麻黃附子細辛甘草湯以溫散少陰腎家之寒金匱要略以此方去桂枝千金方以此方桂枝易桂皆名還魂湯用以治邪在太陰卒中暴厥口噤氣絕下咽奏效而皆不溫覆取汗是知麻黃湯之峻與不峻在溫覆與不溫覆此仲景用方之心法豈常人所能得而窺耶

大青龍湯

治太陽風寒兩傷營衛同病傷寒之脈而見中風之證中風之脈而見傷寒之證二證俱不出汗而煩躁者用此兩解發汗雖有是證若脈微弱自汗出者不可服之服必亡陽

麻黃

六兩
去節

桂枝

二兩

杏仁

四十箇
去皮尖

甘草

二兩
炙

生薑

三兩
切

大棗

十二枚
擘

石膏

如雞子大
碎綿裹

右七味以水九升先煮麻黃減二升去上沫內諸藥煮取三升去滓溫服一升取微汗汗出多者溫粉撲之一服汗者停後服汗多亡陽遂虛惡風煩躁不得眠也

註何以知風寒兩傷營衛同病以傷寒之脈而見中風之證中風之脈而見傷寒之證也名大青龍湯者取龍興雲雨之義也治風不外乎桂枝治寒不

躁不得眠也

外乎麻黃合桂枝麻黃二湯以成劑故為兼風寒中傷者主之也二證俱無汗故減芍藥不欲其收也二證俱煩躁故加石膏以解其熱也設無煩躁則又當從事於麻黃桂枝各半湯也仲景於表劑中加大寒辛甘之品則知麻黃證之發熱熱全在表大青龍證之煩躁兼肌裏矣初病太陽即用石膏者以其辛能解肌熱寒能清胃火甘能生津液是預保陽明存津液之先着也粗工疑而畏之當用不用必致熱結陽明斑黃狂冒紛然變出矣觀此則可知石膏乃中風傷寒之要藥得麻桂而有青龍之名得知草而有白虎之號也服後取微汗汗出多者溫粉撲之一服得汗停其後服蓋戒人即當汗之證亦不可過汗也所以仲景桂枝湯中不用麻黃者是欲其不大發汗也麻黃湯中用桂枝者恐其過汗無制也若不慎守其法汗多亡陽變生諸逆表遂空虛而不任風陰盛格陽而更煩

小青龍湯

治傷寒表不解心下有水氣乾嘔發熱而欬或渴或利或噎或小便不利少腹滿或喘者及雜病膚脹水腫證用此發汗而利水

麻黃

三兩
去節

芍藥

三兩

五味子

半升

甘草

三兩
炙

乾薑

二兩

半夏

半升
洗

桂枝

三兩

細辛

三兩

欽定四庫全書

御纂醫宗金鑑

卷三十一

十

右八味以水一斗先煮麻黃減二升去上沫內諸

藥煮取三升去滓溫服一升

若渴者去半夏加栝蒌根三兩

若噎者去麻黃加附子一枚

炮

若小便不利少腹滿者去麻黃加茯苓四兩

若喘者去麻黃加杏仁半升

去皮
尖

若微利者去麻黃加薤花如雞子

熬令
赤色

按加薤花如雞子熬令赤色此必傳寫之譌蓋本草

薤花即芫花類也用之攻水其力甚峻五分可令人下行數十次豈有治停飲之微利而用雞子大之薤花者乎當改加茯苓四兩

註

太陽停飲有二一中風表虛有汗五苓散證也一傷寒表實無汗小青龍湯證也表實無汗故合麻桂二方以解外去大棗者以其性泥也去杏仁者以其無喘也有喘者加之去生薑者以有乾薑也若嘔者仍用佐乾薑細辛極溫極散使寒與水俱

欽定四庫全書

御纂醫宗金鑑

卷三十一

十一

從汗而解佐半夏逐痰飲以清不盡之飲佐五味收肺氣以斂耗傷之氣若渴者去半夏加花粉避燥以生津也若微利與噎小便不利少腹滿俱去麻黃遠表以就裏也加附子以去噎散寒則噎可止加茯苓以利水則微利少腹滿可除矣此方與越婢湯同治水飲溢於表而為膚脹水腫宜發汗外解者無不隨手而消越婢治有熱者故方中君以石膏以散陽水也小青龍治有寒者故方中佐

以薑桂以消陰水也

葛根湯

治太陽陽明兩經合病頭項強痛背亦牽強𧄢浮無

汗惡風者及表不解下利而嘔者並宜服此發汗

葛根 四兩

麻黃 二兩
去節

桂枝 二兩

芍藥 二兩

甘草 二兩

生薑 二兩
切

大棗 十二
枚擘

右七味以水一斗先煮麻黃葛根減二升去沫內

諸藥煮取三升溫服一升覆取微似汗不須歠粥

餘如桂枝法將息及禁忌

註是方也即桂枝湯加麻黃葛根麻黃佐桂枝發太

陽營衛之汗葛根君桂枝解陽明肌表之邪不曰

桂枝湯加麻黃葛根而以葛根命名者其意重在

陽明以嘔利屬陽明多也二陽表急非溫服覆而

取汗其表未易解也或嘔或利裏已失和雖歠粥

而胃亦不能輸精於皮毛故不須歠粥也柯琴曰

此證身不疼腰不疼骨節不疼不惡寒是骨不受寒矣頭項強痛下連於背牽動不寧是筋傷於風矣不喘不煩躁不乾嘔是裏不病無汗惡風病只在表若表病而兼下利則是表實裏虛矣比麻黃青龍二證較輕然項強連背拘強更甚於項強無汗不失為表但脈浮不緊故不從乎麻黃而於桂枝方加麻黃倍葛根以去實小變麻桂之法也蓋

葛根為陽明主藥凡太陽有陽明者則佐入太陽

藥中凡少陽有陽明者則佐入少陽藥中無不可也李杲定為陽明經藥張潔古云未入陽明者不可便服豈二人未讀仲景書乎要知葛根桂枝俱是解肌和裏之藥故有汗無汗下利不下利俱可用與麻黃之專於發表者不同也

金匱治太陽病無汗小便反少氣上衝胃口噤不得語欲作剛痙

集註喻昌曰傷寒項背几几無汗惡風者用葛根湯此

證亦用之者以其邪在太陽陽明兩經之界兩經之熱併於胸中必傷肺金清肅之氣故水道不行小便少津液不布而無汗陽明之筋內結胃口外行胸中過人迎環口熱併陽明斯筋脈牽引口噤不得語然剛痙無汗必從汗解沉濕邪內鬱必以汗出如故而止故用此湯合解兩經之濕熱與風寒之表法無害其同也

桂枝麻黃各半湯

太陽病得之八九日如瘧狀發熱惡寒熱多寒少其人不嘔清便欲自可一日二三度發脈微緩者為欲愈也脈微而惡寒者此陰陽俱虛不可更發汗更下更吐也面色反有熱色者未欲解也以其不能得小汗出身必癢宜桂枝麻黃各半湯

桂枝 一兩六銖

芍藥 一兩

麻黃 一兩去節

生薑 一兩

欽定四庫全書

御纂醫宗金鑒 卷三十一

十六

甘草 一兩炙

大棗 四枚擘

杏仁 二十四箇去皮尖

右七味以水五升先煮麻黃一二沸去上沫內諸

藥煮取一升八合去滓溫服六合

註

太陽病得之八九日有如瘧狀之寒熱熱多寒少者其人不嘔小便清白此裏和不受邪雖為欲自愈然必審其如瘧狀寒熱一日二三度輕輕而發診其脈微而且緩則知邪衰正復表裏將和始為

欲愈也若脈微不緩正未復也更惡寒者邪未衰也雖不能自愈但已為前之汗吐下虛其表裏故不可更發汗更吐更下也脈微惡寒表裏俱虛面色當白今色反赤是猶有表邪怫鬱不能得小汗出宣發陽氣故面赤身癢未欲解也宜桂枝麻黃各半湯小小汗之以和營衛自可愈也

欽定四庫全書

御纂醫宗金鑒 卷三十一

十七

桂枝二麻黃一湯

服桂枝湯大汗出脈洪大者與桂枝湯如前法若形如瘧日再發者汗出必解宜桂枝二麻黃一湯

桂枝 一兩十銖

芍藥 一兩六銖

麻黃 十六銖去節

甘草 二兩二銖

杏仁 十六箇去皮尖

生薑 一兩六銖

大棗 五枚擘

右七味以水五升先煮麻黃一二沸去上沫內諸

藥煮取二升去滓溫服一升日再服

註服桂枝湯大汗出脈洪大不解若煩渴者則表邪

已入陽明白虎湯證也今脈雖洪大而不煩渴則

為表邪仍在太陽故與桂枝湯如前法也若脈不

洪大壯熱亦減惟寒熱如瘧日再發者雖屬輕邪

然終為微寒所持非汗出必不解也宜桂枝二麻

黃一湯小發營衛之汗不用麻黃桂枝各半湯者

蓋因已大汗出不欲其發營衛汗欲其和營衛汗也

欽定四庫全書 御纂醫宗金鑑 卷三十一 十八

桂枝二越婢一湯

太陽病發熱惡寒熱多寒少脈微弱者此無陽也不可更汗宜桂枝二越婢一湯

桂枝 一兩六銖

芍藥 一兩六銖

甘草 一兩三銖炙

石膏 二十銖四銖

麻黃 十六銖

大棗 五枚擘

生薑 一兩六銖切

右七味以水五升煮麻黃一二沸去上沫內諸藥

煮取二升去滓溫服一升日再服本方當裁為越

婢湯桂枝湯各飲一升今合為一方桂枝二越婢

一湯

註桂枝二越婢一湯即大青龍以杏仁易芍藥也名

雖越婢輔桂枝實則大青龍之變制也去杏仁惡

其從陽而辛散用芍藥以其走陰而酸收以此易

彼裁而用之則主治不同也以桂枝二主之則不

發汗可知越婢一者乃麻黃石膏二物不過取其

欽定四庫全書 御纂醫宗金鑑 卷三十一 十九